



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1558. usque ad annum 1560

**Fleury, Claude**

**August. Vind. [u.a.], 1771**

**VD18 90118588**

§. 65. Pater Laynesius in secundum Societatis Præpositum post D.  
Ignatium electus.

---

[urn:nbn:de:hbz:466:1-66800](https://nbn-resolving.org/urn:nbn:de:hbz:466:1-66800)

Carassæ negotium dabat, ut ad congruam sustentationem durantibus hisce comitiis omnia necessaria suppeditari curaret, quod ad amissim fuit effectui datum: Igitur altera die omnibus una congregatis Pater Laynesius cuncta, quæ a Divi Ignatii obitu gesta fuerant, paucis verbis exposuit: postea vero præprimis sancitum, ne ullum statutum, aut decretum fieret, priusquam supremus Societatis Præpositus fuisset electus: cum autem Papa haud obscure significasset, quod futuræ electionis modum nosse perciperet, hinc Patres libellum supplicem ad Papam per Patrem Laynesium transmittabant, quem Paulus IV. benigne recipiens pro illius discussione quatuor Cardinales designabat: septima autem post die, seu secunda Julii denuo conventus habebatur.

Sæcul XVI.  
A.C. 1558.

§. LXV.

*Pater Laynesius in secundum Societatis Præpositum post D. Ignatium electus.*

Postea Pacecus Cardinalis, qui Pontificis jussu hisce sacris comitiis intererat, congregatos Patres securo animo esse jubebat, ipsisque injungebat, ut eum, quemcunque administrandæ Societati, vacantique dignitati maxime idoneum

*Ribad. l. c.  
Sacchini  
n. 30.*

Sæcul. XVI.

A.C. 1558.

judicarent, non modo ad proprium Societatis, verum etiam Ecclesiæ Dei commodum in Præpositum Generalem nihil verentes eligerent: his quoque addidit Cardinalis eos sic alloquens: „visum „est Pontifici justis de causis utilius Societati fore, si perpetuum illud Præpositi Generalis, non annuum, ac tempore circumscriptum munus esset: Pontificem autem non solum parentis, ut „omnes pii solent, sed & Parentis singularis loco habeatis, ob magna vestræ „Sodalitatis in Ecclesiam merita, & in „tuenda Religione Majorum officia. „Hac Cardinalis petitione Patres haud parum læti publicis acclamationibus suum gaudium, animique gratitudinem eidem testabantur, mox vero pro futura electione ad suffragiorum collationem procedebant, cunctisque summa tranquillitate compositis unanimi omnium suffragio Pater Laynesius cunctis applaudentibus in Præpositum eligitur. Peracta illius nominatione Patres Ecclesiam accedentes ibidem Hymnum Ambrosianum decantabant: Cardinalis vero Pacecus ad Pontificem reversus demandati sibi negotii seriem exposuit, ac de Laynesii electione eundem certiore reddidit.